

ձեռն ոստիկանին . և թէ ո՞րքան ինչս վատնեալ և կորուսեալ իցէ , թէ 'ի դրամոց եւ թէ յեկեղեցական անօթոց և այլոց , առնել տու մար . եւ ապա պատմել զամենայնն մի ըստ միով յունկն դատաւորին . եւ զոր ինչ միանգամ գրեալ կայ 'ի հրովարտակին , անպատճառ գործադրել , և տալ գրել Հեօճճէթ , թէ եւ լինիցի ծախք աւելի քան զ180 քսակս արծաթոյ , տալ և առնուլ զՀեօճճէթն եւ գրել զամենայն ինչ պարագայիւք , և առաքել ինքեան . զի թագաւորն և դէնպէտն մեծ խնամով ինձ օգնական եղեն ասէ՝ 'ի հաստատութիւն հաւատոյս մերոյ և 'ի կործանումն անթարմայից . և յատենի իւրեանց ինձ հաւատացին զազգն Հայոց . ածել յուղղութիւն զՅրանկացեալսն , եւ զանհաւանան ազդ առնել նոցա : Զի թէ պէտ ասէ . խոստացան Մինասեանք տալ 100 քսակս արծաթոյ , այլ ոչ ինչ շահեցան և շահին թէ եւ տացեն 1000 , զի ինձ յանձն արարին զազգն . 'ի 13 Յուլիս ամսոյ՝ (1702) :

Եկն նոր վեքիւն ընդ գափուճի պաշի Մեհէմմէտ Սէլամ աղասին . գնացեալ միաբանաց ածին զնա 'ի գիշերի 'ի վանըս Ս . Յակոբայ 'ի սենեակ Մինաս պապայի : Եւ յաւուրն երկրորդի 'ի 18 Օգոստոս , կոչեաց դատաւորն զՄինաս վարդապետ միաբանօք , եւ յայտ արար զանկումն նորին յիշխանութենէ , և պատուիրեաց նմա տեսանել զհաշիւն ընդ նազրին , և դարձան անտի : Կոչեաց առ ինքն ոստիկան Աւետիք վարդապետի զՄինաս վարդապետ , եւ մեղադրանօք ասէ , ընդէ՞ր ոչ հանդիպեցայք մեզ : Դատաւորն կոչեաց զմիաբանս , և ընթերցաւ առաջի նոցա զհրովարտակ Աւետիք վարդապետի , և դարձան 'ի վանս : Դատաւորն դարձոյց յետս զյայտագիրն առ Մինաս վարդապետ՝ զոր տուեալ էին միաբանք վասն նորա :

Ծանուցումն յատենի եկեղեցւոյ եւ բարեմաղթութիւն վասն Աւետիք վարդապետի : Մեհէմմէտ Փաշա Նապլուսի առաքեաց զնուիրակապետն իւր , և խնդրեաց 'ի նոր վեքիլէն տալ զպարգեւն : Դնաց Մինաս վարդապետ առ դատաւորն և էառ Հեօճճէթ վասն հաշուոյ իւրոյ : Նոր նազիրն փակեղամբ վարդարեցաւ 'ի քսակէ Ս . Յակոբայ : Դանկատ այլազգեաց Երուսաղէմի զՓաշայէն սակս խըստութեան նորին : Նազր Կարապետն չօքաւ առ Մինաս